

- f) koji se ne obrati Uredu sa zahtjevom za imenovanje supervizora za nadzor nad provođenjem javnog oglasa (član 13. stav (1));
- g) koji Uredu uz zahtjev iz člana 13. stav (1) ove uredbe ne priloži opis poslova te potrebne uslove za radno mjesto za koje se provodi javni oglas;
- h) koji odluku o prijemu u radni odnos donese suprotno članu 14. ove uredbe;
- i) koji ne obavijesti zainteresovanog kandidata da ima pravo prigovora drugostepenom organu (član 16.).
- (2) Novčanom kaznom od 3.000,00 do 5.000,00 KM kaznit će se poslodavac - pravno lice za prekršaje iz stava (1) ovog člana.
- (3) Novčanom kaznom u iznosu od 100,00 KM do 500,00 KM kaznit će se član komisije - fizičko lice koje odmah po saznanju ne zatraži izuzeće od rada u komisiji iz razloga utvrđenih u članu 10. stava (1) ove uredbe.

Član 20.

(Neprimjenjivanje ili nepoštivanje odredbi ove uredbe)

Neprimjenjivanje ili nepoštivanje odredbi ove uredbe prilikom zapošljavanja predstavlja osnov za smjenu odgovornog lica, koju pokreće organ nadležan za razrješenje odgovornog lica.

Član 21.

(Usklađivanje akata)

Poslodavci iz člana 1. ove uredbe su dužni u roku od 30 dana od dana stupanja na snagu ove uredbe uskladiti svoje akte sa ovom uredbom i dostaviti ih resornom ministarstvu Kantona Sarajevo.

Član 22.

(Započeti postupci)

Postupci prijema u radni odnos kod poslodavaca iz člana 1. ove uredbe, koji su započeti prije stupanja na snagu ove uredbe, okončat će se po proceduri propisanoj Zakonom o radu ("Službene novine Federacije BiH", br. 26/16 i 89/18), pravilnikom o radu ili drugim internim aktom poslodavca.

Član 23.

(Stupanje na snagu)

Ova Uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-3888-21/19
21. februara 2019. godine
Sarajevo

Premijer
Edin Forto, s. r.

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi Prečišćeni tekst i 37/14 - Ispravka) i člana 170. stav 1. alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18), Vlada Kantona Sarajevo, na Sedmoj sjednici održanoj 21.02.2019. godine, donijela je

UREDBU

**O DOPUNI UREDBE O SUBVENCIONIRANJU
TROŠKOVA GRIJANJA**

Član 1.

(Dopuna člana 1.)

U Uredbi o subvencioniranju troškova grijanja ("Službene novine Kantona Sarajevo", br. 4/05, 7/08, 37/13, 5/14 i 8/18) (u daljem tekstu: Uredba) u članu 3. iza stava 1., dodaje se novi stav 2. koji glasi:

"Korisnici stalne novčane pomoći ostvaruju pravo na subvencioniranje troškova grijanja bez obzira na uslove propisane Uredbom."

Član 2.

(Prelazna odredba)

Javna ustanova "Kantonalni centar za socijalni rad" - Služba socijalne zaštite će za korisnike stalne novčane pomoći po službenoj dužnosti pokrenuti postupak ostvarivanja prava na subvencioniranje troškova grijanja.

Član 3.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo", a primjenjuje se od 01.03.2019. godine.

Broj 02-05-3888-11/19
21. februara 2019. godine
Sarajevo

Premijer
Edin Forto, s. r.

Na osnovu člana 76. Zakona o budžetima u Federaciji Bosne i Hercegovine ("Službene novine Federacije BiH", broj 102/13; 09/14 - Ispravka 13/14, 08/15 i 91/15) i člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14), Vlada Kantona Sarajevo, na Sedmoj sjednici održanoj 21.02.2019. godine, donijela je

ODLUKU

Član 1.

Odobrava se evidentiranje obaveza po izvršnim sudskim rješenjima po osnovu tužbi uposlenika iz radno pravnog odnosa sa stanjem na dan 31.12.2018. godine, kako je sadržano u izvještaju Centralne popisne komisije za popis sredstava, obaveza i potraživanja Kantona Sarajevo za 2018. godinu, usvojen Zaključkom Vlade Kantona Sarajevo, broj 02-05-3888-14/19 od 21.02.2019. godine.

Član 2.

Zadužuje se Ministarstvo finansija da u skladu sa članom 1. ove Odluke, a na osnovu izvještaja Centralne popisne komisije, poduzme slijedeće aktivnosti:

- Izvrši unos operativnih sredstva za obaveze iz tačke 1. ove Odluke.
- Obaveze iz tačke 1. ove Odluke evidentirati u Glavnoj knjizi Trezora.

Član 3.

Ova Odluka stupa na snagu danom donošenja, a objaviće se u "Službenim novinama Kantona Sarajevo".

Broj 02-05-3888-16/19
21. februara 2019. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na Sedmoj sjednici održanoj 21.02.2019. godine, donijela je

ODLUKU

**O REGISTRU ZAPOSLENIH U JAVNOM SEKTORU NA
PODRUČJU KANTONA SARAJEVO**

DIO PRVI - OPĆE ODREDBE

Član 1.

(Predmet regulisanja)

- (1) Ovom Odlukom propisuje se obaveza uspostavljanja Registra zaposlenih u organima uprave i službama, zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji Kantona, u javnim ustanovama i javnim preduzećima čiji je osnivač Kanton, te u privrednim društvima u kojima Kanton učestvuje sa više od 50% ukupnog kapitala (u daljem tekstu: Registar).

- (2) Odlukom iz stava (1) ovog člana propisuje se uspostava Registra, sadržaj, obaveza unosa podataka i rokovi, vođenje i upravljanje Registrom, pristup podacima, vremenski period korištenja podataka, odgovornost za autentičnost i tačnost podataka, i uređuju druga pitanja koja se odnose na Registar.
- (3) Registar je jedinstvena evidencija podataka o zaposlenim licima na neodređeno i određeno vrijeme u organima uprave i institucijama iz člana 2. Odluke, koji se vodi u elektronskom obliku.

Član 2.
(Primjena Odluke)

Ovu Odluku dužni su primjenjivati svi organi uprave i službe, zavodi, agencije, direkcije i upravne organizacije, pravna lica s javnim ovlaštenjima na teritoriji Kantona, javne ustanove i javna preduzeća čiji je osnivač Kanton, te privredna društva u kojima Kanton učestvuje sa više od 50% ukupnog kapitala (u daljem tekstu: organi uprave i institucije).

Član 3.
(Rodna neutralnost izraza)

Riječi i pojmovi koji imaju rodno značenje korišteni u ovoj Odluci odnose se jednako na muški i ženski rod, bez obzira jesu li korišteni u muškom ili ženskom rodu.

Član 4.
(Svrha uspostavljanja Registra)

Registar iz člana 1. ove Odluke, služi kao jedinstvena evidencija podataka o zaposlenim licima u smislu člana 1. stav (3) Odluke u organima uprave i institucijama, radi uspostave transparentog, centralizovanog, kvalitetnog i učinkovitog sistema upravljanja ljudskim potencijalima u javnoj službi Kantona.

DIO DRUGI - SADRŽAJ I VOĐENJE REGISTRA

Član 5.
(Sadržaj podataka u Registru)

- (1) Svi organi uprave i institucije iz člana 2. ove Odluke u Registar unose (evidentiraju) slijedeće podatke o zaposlenim licima:
- ime i prezime,
 - naziv i sjedište organa uprave/institucije u kojem je lice zaposleno,
 - naziv radnog mjesta,
 - stručna sprema za radno mjesto,
 - datum zasnivanja radnog odnosa,
 - datum prestanka radnog odnosa,
 - vremenski period na koji se zaključuje ugovor o radu na određeno vrijeme,
 - osnovna plata.
- (2) Unos podataka vrši se na osnovu isprava o zaposlenom licu i ostale validne dokumentacije.

Član 6.
(Obaveza unosa podataka)

- (1) Podatke iz člana 5. Odluke u Registar unose organi uprave i institucije u skladu sa odredbama ove Odluke i na način predviđen Odlukom.
- (2) Organi uprave i institucije iz člana 2. Odluke dužne su imenovati ovlaštene i odgovorne osobe za unos podataka u Registar, koje će imati posebne korisničke šifre za unos. Kod organa uprave i institucija iz člana 2. Odluke, gdje se centralizovano vode podaci o zaposlenim licima u drugom organu, taj organ imenuje ovlaštene i odgovorne osobe za unos podataka u Registar.
- (3) Organi uprave i institucije dužni su imenovati lica iz stava (2) ovog člana i dostaviti Uredu za borbu protiv korupcije i upravljanje kvalitetom Kantona Sarajevo (u daljem tekstu: Ured) u roku od 15 dana od dana stupanja na snagu ove Odluke.

- (4) Nepostupanje u skladu sa odredbama ovoga člana predstavlja težu povredu službene dužnosti, odnosno težu povredu radne obaveze.

Član 7.
(Blagovremenost podataka)

- (1) Inicijalnu dostavu podataka Uredu o svim zaposlenim licima, organi uprave i institucije iz člana 2. ove Odluke izvršit će na obrascu koji će im dostaviti Ured u roku 30 dana od dana stupanja na snagu Odluke.
- (2) Sve naredne dostave podataka o zaposlenim licima vršit će na način predviđen članom 9. stav (1) ove Odluke.
- (3) Lica iz člana 6. stav (2) Odluke dužna su izvršiti prvi unos podataka u Registar o novozaposlenom licu u roku od 5 dana od dana zasnivanja radnog odnosa.
- (4) Sve promjene podataka iz člana 5. ove Odluke lice ovlašteno za unos podataka dužno je unijeti u Registar u roku od 5 dana od dana izvršenih promjena.
- (5) Lica iz člana 6. stav (2) Odluke odgovorna su za tačnost i blagovremenost unesenih podataka.
- (6) Nepostupanje u skladu sa odredbama ovoga člana predstavlja težu povredu službene dužnosti, odnosno težu povredu radne obaveze.

Član 8.
(Uspostava Registra)

- (1) Ured uspostavlja i vodi Registar iz člana 1. stav (1) ove Odluke.
- (2) Pri obavljanju poslova iz stava (1) ovog člana, Uredu pružaju potrebnu stručno - operativnu pomoć i podršku, Zavod za informatiku i statistiku Kantona Sarajevo, Stručna služba za zajedničke poslove i organi uprave i institucije iz člana 2. ove Odluke.

Član 9.
(Vođenje Registra)

- (1) Na osnovu podataka organa uprave i institucija iz člana 2. ove Odluke, Ured formira jedinstvenu bazu podataka putem automatskog preuzimanja, objedinjujući podatke primjenom odgovarajućih parametara.
- (2) Tehničko uputstvo za unos podataka u Registar izradiće Ured i učiniti dostupnim putem jedinstvenog informacionog sistema implementiranog na multimodulomom softveru kojim upravlja Ured (u daljem tekstu: Anti-CorruptiKS softver), nakon njegove uspostave.
- (3) Praćenje rokova za unos podataka i reagovanje prema organima uprave i institucijama u slučaju nepoštivanja odredbi Odluke u bilo kom segmentu u nadležnosti je Ureda.

Član 10.
(Upravljanje Registrom)

Ured, nakon uspostave Registra, upravlja njegovim daljnjim razvojem u smislu uvođenja informacione podrške funkcijama upravljanja ljudskim potencijalima, centralizovanja podataka i korištenja istih u zakonom i drugim relevantnim propisima predviđene svrhe.

DIO TREĆI - KORIŠTENJE I ČUVANJE PODATAKA

Član 11.
(Vremenski period korištenja)

Podaci o zaposlenim licima iz člana 5. ove Odluke evidentiraju se i čine dostupnim javnosti za vrijeme trajanja radnog odnosa, a brisat će se godinu dana nakon prestanka radnog odnosa.

Član 12.
(Autentičnost i tačnost unesenih podataka)

- (1) Za autentičnost i tačnost unesenih podataka odgovorni su organi uprave i institucije iz člana 2. ove Odluke.
- (2) Pogrešno ili netačno unesene podatke u Registar, ovlaštena lica organa uprave i institucije iz člana 2. ove Odluke dužna su ispraviti odmah, a najkasnije 7 dana po saznanju.

Član 13.

(Izmjena, čuvanje i korištenje podataka)

- (1) Ured vrši objedinjavanje svih podataka koje unose organi uprave i institucije iz člana 2. Odluke i javno objavljuje putem Anti-CorruptiKS softvera.
- (2) Podaci koje u Registar unose ovlaštene osobe organa uprave i institucija iz člana 2. ove Odluke čuvaju se i štite na način kao i drugi podaci na Anti-CorruptiKS softveru.

Član 14.

(Osiguranje uslova za vođenje Registra)

Rukovodilac organa uprave i institucije iz člana 2. Odluke odgovoran je za osiguranje potrebnih kadrovskih i tehničkih uslova za unos podataka u Registar.

DIO ČETVRTI - PRELAZNE I ZAVRŠNE ODREDE

Član 15.

(Nadzor nad primjenom Odluke)

- (1) Odredbe ove Odluke obavezno se primjenjuju na sve organe uprave i institucije iz člana 2. Odluke.
- (2) Nepostupanje po odredbama ove Odluke predstavlja težu povredu službene dužnosti, odnosno težu povredu radne obaveze i kao takvo je osnov za pokretanje postupka utvrđivanja odgovornosti i poduzimanje mjera od strane rukovodioca organa uprave ili institucije iz člana 2. Odluke i/ili Vlade Kantona Sarajevo kao predstavnika osnivača organa uprave i institucija.
- (3) Nadzor nad primjenom Odluke vrši Ured.

Član 16.

(Stupanje na snagu Odluke)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-3888-5/19

21. februara 2019. godine

Sarajevo

Premijer

Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 93. Zakona o osnovnom odgoju i obrazovanju ("Službene novine Kantona Sarajevo", br. 23/17 i 33/17), Vlada Kantona Sarajevo, na Sedmoj sjednici održanoj 21.02.2019. godine, donijela je

RJEŠENJE

**O RAZRJEŠENJU PREDSEDNIKA ŠKOLSKOG
ODBORA JAVNE USTANOVE OSNOVNA ŠKOLA
"KOVAČIĆI"**

I

Predsjednik Školskog odbora Javne ustanove Osnovna škola "Kovačići", imenovan Rješenjem Vlade Kantona Sarajevo, broj 02-05-36756-17.26/17 od 26.12.2017. godine, razrješava se zbog podnesenog zahtjeva za razrješenje, i to:

1. Alma Čuprija - predsjednik, predstavnik Ministarstva.

II

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-3888-8.1/19

21. februara 2019. godine

Sarajevo

Premijer

Edin Forto, s. r.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 23/03, 34/03 i 65/13), člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 93. Zakona o osnovnom odgoju i obrazovanju ("Službene novine Kantona Sarajevo", broj 23/17 i 33/17), Vlada Kantona Sarajevo, na Sedmoj sjednici održanoj 21.02.2019. godine, donijela je

RJEŠENJE

**O IMENOVANJU PREDSEDNIKA ŠKOLSKOG
ODBORA JAVNE USTANOVE OSNOVNA ŠKOLA
"KOVAČIĆI"**

I

U Školski odbor Javne ustanove Osnovna škola "Kovačići" se imenuje:

1. Almina Ćorović - predsjednik, predstavnik Ministarstva.

II

Mandat člana Školskog odbora iz člana I ovog Rješenja traje do isteka mandata Školskog odbora imenovanog 26.12.2017. godine.

III

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-3888-8.2/19

21. februara 2019. godine

Sarajevo

Premijer

Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 93. Zakona o osnovnom odgoju i obrazovanju ("Službene novine Kantona Sarajevo", br. 23/17 i 33/17), Vlada Kantona Sarajevo, na Sedmoj sjednici održanoj 21.02.2019. godine, donijela je

RJEŠENJE

**O RAZRJEŠENJU PREDSEDNIKA ŠKOLSKOG
ODBORA JAVNE USTANOVE OSNOVNA MUZIČKA
ŠKOLA "MLADEN POZAJIĆ"**

I

Predsjednik Školskog odbora Javne ustanove Osnovna muzička škola "Mladen Pozajić", imenovan Rješenjem Vlade Kantona Sarajevo, broj 02-05-515-24.8/18 od 11.01.2018. godine, razrješava se zbog podnesenog zahtjeva za razrješenje, i to:

1. Emina Begić - predsjednik, predstavnik Ministarstva.

II

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-05-3888-8.3/19

21. februara 2019. godine

Sarajevo

Premijer

Edin Forto, s. r.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 23/03, 34/03 i 65/13), člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 93. Zakona o osnovnom odgoju i obrazovanju ("Službene novine Kantona Sarajevo", broj 23/17 i 33/17), Vlada Kantona Sarajevo, na Sedmoj sjednici održanoj 21.02.2019. godine, donijela je

RJEŠENJE

**O IMENOVANJU PREDSEDNIKA ŠKOLSKOG
ODBORA JAVNE USTANOVE OSNOVNA MUZIČKA
ŠKOLA "MLADEN POZAJIĆ"**

I

U Školski odbor Javne ustanove Osnovna muzička škola "Mladen Pozajić" se imenuje:

1. Safija Šehović - predsjednik, predstavnik Ministarstva.